

8. gr.

156

Reikningsár sjóðsins er almanaksárið, og skulu reikningar sjóðsins endurskoðaðir af endurskoðanda sýslusjóðsreikninga Vestur-Skaftafellssýslu árlega. Skal landlækni sent eitt eintak reikninga sjóðsins, áður en tillag ríkisins til sjóðsins verður greitt fyrir næsta ár.

9. sept.

9. gr.

Sjóðstjórnin skal haga starfsemi sjóðsins þannig, að þeir héraðsbúar, sem eru í sjúkrasamlagi, verði að öðru jöfnu ekki verr settir að því, er tekur til aðstoða sjóðsins, en aðrir héraðsbúar.

Reglugerð þessi, sem sett er samkvæmt heimild í lögum nr. 59 4. júlí 1942, staðfestist hér með til þess að öðlast gildi frá deginum í dag að telja.

Í heilbrigðismálaráðuneytinu, 9. september 1949.

Eysteinn Jónsson.

Ragnar Bjarkan.

G J A L D S K R Á

157

fyrir Rafveitu Hveragerðis.

10. sept.

I. RAFORKA

Rafveita Hveragerðis selur raforku á þann hátt og við því verði, sem hér segir:

A. Lýsing.

1. Um kwst.mæli á kr. 1.20 hver kwst. Við þessu verði skal selja hvers konar raforkunotkun, sem ekki fellur undir aðra liði þessarar gjaldskrár.
2. Um kwst.mæli á 45 aura hver kwst. auk fastagjalds, er nemi kr. 6.00 á ári á m² gólfflatarmáls í rúmi því, er lýsa skal. Fullt fermetragjald skal greiða af gólf-fleti í búðum, vinnustofur og skrifstofum, en fyrir geymslur og ganga skal greiða kr. 2.00 á ári af m².

B. Almenn heimilisnotkun.

1. Um kwst.mæli á 30 aura hver kwst. Auk þess skal greiða fastagjald, 5 kr. á mánuði af fyrsta herbergi hvernar íbúðar og 3 kr. á mánuði af hverju herbergi, sem umfram er.

Í útreikningi á fjölda herbergja skal telja öll herbergi, sem ætluð eru til íbúðar, og eldhús. Herbergi, sem er minna en 5 m², skal telja sem hálf, en stærra en 25 m² sem tvö. Þar sem meðalstærð herbergja í íbúð er undir 10 m², má miða við samanlagt flatarmál þeirra, þannig að hverjir 10 m² jafngildi einu herbergi og 5 m² hálfu herbergi.

Rafmagnsnotkun í gripahúsum og öðrum húsum, sem notuð eru við búskap, er heimilt að selja samkvæmt þessum gjaldskrárlið. Rafveitustjóri setur reglur um útreikning fastagjalds af þeim húsum.

2. Heimilt er að selja gistihúsum og matsölustöðum raforku til suðu á 25 aura hverja kwst. og aðra notkun samkvæmt A-lið.

157

C. Vélanotkun.

10. sept.

1. Um kwst.mæli á 65 aura hver kwst. Hafi vélarnar mjög stuttan notkunartíma á ári, má krefjast minnsta árgjalds, frá kr. 130.00 til 150.00 á hvert uppsett kw. vélanna. Eftir þessum gjaldskrárlið má einnig selja rafmagn til götulýsingar, svo og til nota um vinnulagnir við byggingar meðan á byggingu stendur.
2. Um kwst.mæli á 10 aura hver kwst., auk fastagjalds af samanlögðu ástimpluðu rafvélaafli, sem hér segir:

225 kr. á árskw. fyrir fyrstu	30 kw.
185 — — — — næstu	70 —
135 — — — — umfram	100 —

Minnta árgjald skal þó vera sem svarar 1000 kwst. ársnotkun á hvert kw. í ástimpluðu rafvélaafli.

3. Heimilt er að selja raforku til súgurrkunar á heyi á 25 aura hverja kwst.

D. Hitun.

1. Um kwst.mæli á 14 aura hver kwst., enda sé þá minnsta notkun 6000 kwst. á ári. Notkun umfram 10000 kwst. á ári greiðist með 12 aorum hver kwst. Sala á raforku samkvæmt þessum gjaldskrárlið er háð því skilyrði, að straumurinn sé rofinn frá kl. 10.30 til 12 og frá kl. 18 til kr. 19.
2. Um kwst.mæli á 5 aura hver kwst. Sala á raforku samkvæmt þessum gjaldskrárlið er háð því skilyrði, að straumurinn sé rofinn frá kl. 8.30 til 23. Önnur skilyrði fyrir raforkusölu til hitunar:
 - a. Að vélaafli, götulínur og spennar þoli álagið að dómi rafveitustjóra.
 - b. Að notandinn setji klukkurofa fyrir hitalögnina og kosti viðhald þeirra. Þó getur rafveitustjóri ákveðið, að rafveitan leggi til rofa og annist viðhald þeirra, og kostar þá notandinn tengingu rofanna og greiðir leigu af þeim, samkvæmt reglum, er gilda um leigu mælitækja.
 - c. Að hitalagnir, þar með talin öll tæki, séu gerð samkvæmt fyrirmælum rafveitunnar, ofnar fasttengdir með sérstökum rofum og hitastillar notaðir.

II. MÆLALEIGA

Rafveitustjóri ákveður stærð og gerð mælitækja, sem nota skal fyrir hverri veitu, og er sú ákvörðun skuldbindandi fyrir notandann, sem skal greiða leigu af mælitækjum sem hér segir:

1. Af einfasa mælum 30 amp. og minni kr. 2.00 á mánuði.
2. — þrífasa mælum 50 amp. og minni — 3.00 — —
3. — þrífasa mælum 50 til 200 amp. — 7.00 — —
4. — þrífasa mælum yfir 200 amp. — 10.00 — —

Af öðrum mælitækjum en þeim, sem nefnd eru í skránni, skal ársleigan vera sem næst 20% af verði mælitækjanna. Leigan skal innheimt um leið og gjald fyrir raforku.

III. HEIMTAUGARGJALD

Af hverri húsveitu, sem tengd er við rafveituna, skal greiða heimtaugargjald. Skal það vera sem hér segir:

1. Grunnjald fyrir hverja loftlínuheimtaug kr. 400.00.
2. Grunnjald fyrir hverja jarðlínuheimtaug kr. 600.00.

Auk þessa grunngjalds skal greiða kr. 10.00 af hverju þúsundi króna af brunabótamati húsa og annarra mannvirkja. Hálfu þúsundi eða minna í brunabótamati skal sleppa í útreikningi þessum, en ella hækka upp í heilt þúsund. 157 10. sept.

Ef brunabótamat á húsi er gamalt, getur rafveitustjóri eða hreppsnefnd samræmt það nýju mati og miðað heimtaugargjaldið við það. Láti húseigandi meta húsið á ný, skal þó heimtaugargjaldið miðast við það mat.

Húseigandi greiði grunngjald heimtaugar um leið og heimtaugaruppsetningu er lokið. Hinn hluti heimtaugargjaldsins fellur í gjalddaga, þegar brunabótamat hússins hefur verið framkvæmt.

Sé lengd jarðlínuheimtaugar meiri en 25 metrar og loftlínuheimtaugar meiri en 60 metrar og/eða gildleiki víra meiri en 3×70 qmm., skal húseigandi greiða að fullu kostnað af því, sem fram yfir er.

Ef lagðar eru fleiri en ein heimtaug að sama húsi, skal greiða allan kostnað við síðari heimtaug eftir reikningi.

IV. OPNUNARGJALD

1. Hafi gjald samkvæmt gjaldskrá þessari eigi verið greitt, svo að til lokunar hafi komið fyrir veitu, skal taka gjald fyrir enduopnun, 10 kr.
2. Ef fundin eru óleyfileg eða of stór vör við skoðun, skal veitunni lokað tafarlaust og verður hún ekki opnuð fyrr en notandinn hefur greitt 10 krónu gjald á skrifstofu rafveitunnar.

V. BRÁÐABIRGÐAÁKVÆÐI

1. Fyrst um sinn skal útiloka stóra hreyfla á tímanum kl. 10.45 til 12 fyrir hádegis, og enn fremur ber að útiloka allar aðrar vélar eftir því sem unnt er, þegar spennan er lág og aðrar ástæður gera það nauðsynlegt að dómi rafveitustjóra.
2. Þegar sérstaklega stendur á getur rafveitustjóri, að fengnu samþykki rafveitunefndar, selt rafmagn eftir sérstökum samningi, en þó eigi lengur en til eins árs í senn.

Hreppsnefnd er heimilt að hækka eða lækka gjöld, sem ákveðin eru í I. kafla þessarar gjaldskrár, um allt að 20%, án sérstakrar staðfestingar ráðuneytisins, enda auglýsi hreppsnefndin breytinguna í Lögbirtingablaðinu áður en til hennar kemur.

Gjaldskrá þessi staðfestist hér með samkvæmt vatnalögum, nr. 15 20. júní 1923 og raforkulögum, nr. 12 2. apríl 1946, til þess að öðlast gildi þegar í stað, og birtist til eftirbreytni öllum þeim, sem hlut eiga að máli. Jafnframt fellur úr gildi gjaldskrá fyrir Rafveitu Hveragerðis, nr. 96 27. júlí 1948.

Atvinnumálaráðuneytið, 10. september 1949.

Bjarni Ásgeirsson.

Þorv. K. Þorsteinsson.